



Broj: 27-05-18470/18

Sarajevo, 21.05.2018. godine

SKUPŠTINA KANTONA SARAJEVO
- OVDJE -

PREDMET: Odgovor- dostavlja se

Veza Vaš akt broj: 01-05-18470/18 od 26.04.2018. godine

Zastupnik Mario Vukasović na 41. Radnoj sjednici Skupštine Kantona Sarajevo održanoj dana 24.04.2018.godine, u okviru tačke Dnevnog reda "Poslanička pitanja, inicijative i odgovori" postavio je zastupničko pitanje:

"Interesuje me kada šta se dešava sa projektom Vodovoda Crna rijeka i kada će doći do njegove realizacije? Jedan od ključnih koraka ka rješavanju pitanja vodosnabdijevanja jeste stavljanje u pogon ovog vodovoda koji bi trebao da osigura nove dodatne količine u sistemu. U budžetu je planiran novac za ovu namjenu no prema informacijama koje sam dobio planiranih skoro milion KM za ovu namjenu je prebačeno za isplate vanskudskih nagodbi po sudskim presudama sudova u KS. Obzirom da je tek april mjesec i da je do kraja godine imamo još 8 mjeseci, očito je da ovaj projekat od iznimne važnosti za građane Kantona Sarajevo za Vladu Kantona Sarajevo nije prioritet."

U skladu sa navedenim pitanjem Ministarstvo komunalne privrede i infrastrukture ovim putem daje slijedeći,

- o d g o v o r -

Izrada glavnog projekta za vodovod Crna rijeka planiran je u Budžetu Kantona Sarajevo za 2018.godinu u razdjelu Ministarstva komunalne privrede i infrastrukture u iznosu od 1,0 milion KM. U decembru mjesecu 2017.godine postignuta je vanskudska nagodba preduzeća KJKP Vodovod i kanalizacija d.o.o. Sarajevo i tražioca izvršenja po pravosnažnoj sudskoj presudi Opštinskog suda u Sarajevu broj: 65 O P 189227 11 P od 09.11.2016. godine.




Naime, ovom vanskudskom nagodbom (o kojoj je upoznata Vlada Kantona Sarajevo i Pravobranilaštvo Kantona Sarajevo) tokom 2018.godine trebaju se osigurati sredstva za izmirenja. Kako u datom trenutku nije dostavljen materijal od strane Zavoda za izgradnju Kantona Sarajevo a putem Ministarstva prostornog uređenja, građenja i zaštite okoliša Kantona Sarajevo i ujedno razmatran Program uređenja gradskog građevinskog zemljišta, Ministarstvo komunalne privrede i infrastrukture kao resorno Ministarstvo KJKP "Vodovod i kanalizacija" d.o.o. Sarajevo je izvršilo preraspodjelu sredstava i izvršilo finansijske obaveze u skladu sa vanskudskom nagodbom.



Napomene radi, u drugom kvartalu 2018.godine Ministarstvo prostornog uređenja, građenja i zaštite okoliša će izvršiti preraspodjelu prema ovome Ministarstvu odnosno vratiti 1,0 miliona KM za projekat "Izrada glavnog projekta za vodovod Crna rijeka".

S time u vezi ovim putem Vas obavještavamo da Ministarstvo komunalne privrede i infrastrukture u saradnji sa Ministarstvom privrede Kantona Sarajevo zajednički radi na navedenom projektu u cilju početka realizacije navedenog projekta, sa napomenom da stavljanje u funkciju pogona vodovoda se ne može očekivati u 2018.godini, jer po samom nazivu budžetske stavke radi se o izradi glavnog projekta.

S poštovanjem,


MINISTAR

Senad Hasanspahić


Dostaviti:

- ① Naslovu;
2. Stručna služba Vlade Kantona Sarajevo- na znanje;
3. Evidencija;
4. a/a.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax:+ 387 (0) 33 562-177
Sarajevo, Reisa Džemaludina Čauševića 1

